
Na osnovu čl. 16. i 31. Zakona o hrani ("Službeni glasnik BiH", broj 50/04), člana 7. stav (4) Zakona o genetički modificiranim organizmima ("Službeni glasnik BiH", broj 23/09) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine, u saradnji s nadležnim organima entiteta i Brčko Distrikta Bosne i Hercegovine na 15. sjednici, održanoj 15. jula 2015. godine, donijelo je

PRAVILNIK
O IZMJENI I DOPUNAMA PRAVILNIKA O USLOVIMA
I POSTUPKU IZDAVANJA ODOBRENJA ZA
STAVLJANJE GENETIČKI MODIFICIRANE HRANE I
HRANE ZA ŽIVOTINJE PRVI PUT NA TRŽIŠTE BOSNE
I HERCEGOVINE I ZAHTJEVIMA KOJI SE ODNOSE
NA NJIHOVU SLJEDIVOST I OZNAČAVANJE

Član 1.

U Pravilniku o uslovima i postupku izdavanja odobrenja za stavljanje genetički modificirane hrane i hrane za životinje prvi put na tržište Bosne i Hercegovine i zahtjevima koji se odnose na njihovu sljedivost i označavanje ("Službeni glasnik BiH", broj

78/12) (u daljem tekstu: Pravilnik), iza člana 17. dodaje se novi član 17a. koji glasi:

"Član 17a.

(Sadržaj zahtjeva za GM hranu za životinje koja sadrži GMO odobren u skladu s važećim propisima Evropske unije)

- (1) Zahtjev iz člana 16. ovog pravilnika za genetski modificiranu hranu za životinje odobrenu za stavljanje na tržište Evropske unije u skladu s važećim propisima Evropske unije, mora sadržavati:
 - a) ime i adresu podnosioca zahtjeva;
 - b) naziv uvoznika/distributera ili onoga koji hranu za životinje proizvodi, pakuje i/ili stavlja na tržište, a registrovan je u Bosni i Hercegovini;
 - c) certifikat izdan od strane nadležnog organa zemlje porijekla iz kojeg je vidljivo da hrana za životinje sadrži genetički modificirani organizam koji je odobren za stavljanje na tržište Evropske unije;
 - d) broj i/ili kopiju Odluke Evropske komisije kojom se potvrđuje da je upotreba datog GMO odobrena na tržištu Evropske unije;
 - e) spisak trgovačkih naziva proizvoda koji sadrže dati GMO;
 - f) ovjerenu Izjavu sa obrazloženjem da se proizvod ili proizvodi koji su predmet Zahtjeva koriste isključivo kao hrana za životinje;
- (2) Svi priloženi službeni dokumenti iz stava (1) ovog člana moraju biti na jednom od jezika i pisama koji su u službenoj upotrebi u Bosni i Hercegovini."

Član 2.

U članu 18. u stavu (4) iza tačke e) dodaje se nova tačka f), koja glasi:

"f) pri razmatranju Zahtjeva iz člana 17.a provjerava i utvrđuje da li je GMO iz Zahtjeva odobren za korištenje u Evropskoj uniji, uzimajući u obzir da je za taj GMO koji je odobren za stavljanje na tržište Evropske unije prethodno provedena procjena rizika od strane EFSA."

Član 3.

U članu 20. u stavu (4) iza broja 17., dodaje se broj: "17a.,".

Član 4.

U članu 21. u stavu (5) iza broja 17., dodaje se broj: "17a.,".

Član 5.

U članu 22. u stavu (3) iza broja 17., dodaje se broj: "17a.,".

Član 6.

U članu 34. u stavu (2) riječi: "iz člana 6. stav (1) tačka b) i člana 17. stav (1) tačka b)", mijenjaju se novim riječima koje glase:

"iz člana 6. stav (1) tačka b), člana 17. stav (1) tačka b) i člana 17a. stav (1) tač. c) i f)".

Član 7.

Ovaj pravilnik stupa na snagu osmog dana od dana objavljivanja u "Službenom glasniku BiH".

VM broj 86/15
15. jula 2015. godine
Sarajevo

Predsjedavajući
Vijeća ministara BiH
Dr. **Denis Zvizdić**, s. r.